



ethnikids
made for me

LEETO LA GO KGAHLIŠA LA LEE LA MHLEKAZI



MONGWADI KE
MELUSI TSHABALALA

MOTHADI WA DISWANTSHO KE
TEBOHO MOREKI

DINTLHA tša phatlalatšo

Puku ye e tšweleditšwe ke Ethnikids Publishers (PTY) Ltd ba e tšweleletša Wimpy ka 2024.

Tumelelo ya setšweletšwa ka ke Melusi Tshabalala 2024.

Tumelelo ya diswantšho ka Teboho Moreki 2024.

E fetoletšwe go Sepedi ke Betty Serage.

Ditokelo tšohle di šireleditšwe. Ga se wa dumelelwa go tšweletša goba go phatlalatša karolo ya kgatišo ye ka mokgwa ofe kapa ofe ka ntle le tumelelo ye e ngwadilego ya Wimpy.

www.ethnikids.co.za



**LEETO LA GO KGAHLIŠA
LA LEE LA MHLEKAZI**

Ka nako ya go ikgetha ye e bitšwago 'sehla sa go tswala', phenkwini ya tshadi ya boleta ye e bitšwago Nenekazi ebe e na le mošomo wo bohlokwa. O be a swanetše go tlogela monna wa gagwe, Mhleka, toropong ya diphenkwini ye e kgahlišago ya Boulders Beach.

O ile a swanela go tšea leeto la go ya go nyaka hlapi ya go tsefa go tla go fa ngwana wa gagwe wo bohlokwa, ge a phaphaša.

Leina la Nenekazi le ra go re "Mohumagadi" ka Sethosa, gomme la Mhleka le ra go re 'Morena'. Bagwera ba bona ba diphenkwini ba file balekane ba maina a ka ge ba be ba hlomphega kudu mo toropong. Le ge diphenkwini ka moka di be di lebe ga okare di apare dituxtedo, Nenekazi le Mhleka ba be ba swarwa okare ke bona fela ba aperego disutu tša mošomo.



Toropong ya bona ya lethabo ya diphenkwini, Mhlekazi o šetše ka ge botate ba be ba na le mošomo wo bohlokwa wa go alamela mae le go a šireletša go fihlela bomma ba boa.

Mhlekazi, yo a ikgantšhago ebile a na le tlhokomelo, o be a ikemišeditše go dira mešomo ya gagwe ya botate.



Ka letšatši le lengwe la go tonya kudu, Mhlekazi o be a le godimo ga thabana, a thuša tate wa boatla wa phenkwini ka lee la gagwe. Ge ba le gare ba šoma, gwa tlala lesego moyeng.



Ka pelapela, phefšana ye bofefšana ya thudiša lee la Mhlekazi le leoto la gagwe, gomme la thoma go kgokologela motheogeng. Ka bonako, Mhlekazi a napa a rakediša lee la gagwe le bohlokwa.



Mhlekazi o kitimile ka lebelo ka moo a
ka kgonago, a phaphasetša difolipara
tša gagwe ka kudu, eupša kelp gull ya
go khukhunetša – nonyana ya go
seleka – ya theogela fase.




Botate ba goeletša, ba leka go tšhošetša lehodu gore le tloge kgauswi le
lee, eupša gull ya phamola lee gomme ya fofa, lee le kgwahleletše ka
molomong wa yona.



Gona moo toropong ya diphenkwini, phenkwini ye e bitšwago Gqwirha, yeo e bego a jela Mhlekazi mona, ya bona e le sebaka sa gagwe sa go dira gore botate ba diphenkwini ba bangwe ba se sa hlompha Mhlekazi.

“Mhlekazi o lahlegetšwe ke lee la gagwe ka ge a se na maikarabelo,” Gqwirha a botša yo mongwe le yo mongwe. Botate ba bangwe ba mo kgolwa gomme ba se sa ba le tlhompho yela ba bego ba na le yona go ‘Morena’.



Le tate yo a bego a mo thuša ge a lahlegelwa ke lee a mo furaleta, a se sa mmitša Mhlekazi gomme a mmitša ka leina la gagwe la kgale, Litha.



A kwele bohloko a bile a lahlilwe ke diphenkwini tša gabo,
Mhlekazi a tšea sephetho sa go tšea leeto la go ya go nyaka
lee la gagwe leo le lahlegilego.



Ka go le lengwe, godimo ga lewatle le le bulegilego, kelp gull e wešitše
lee ka ge ebe e le le legolo kudu go ka le rwala. Lee le wetše go lebana
le seketswana sa go rea dihlapu, la kotama gabonolo godimo ga
mokgobo wa dinete mo labatong la seketswana. Sa go makatša, ga se
la thubega. Morei wa dihlapu yo botho a bona lee le kotama gomme a
ya le lona gae go le hlokomela.



Mhlekazi a apara kefa ya batho ye a e topilego lebopong kgalekgale, ka sebopego se sa go gakantšha, a tšea leeto la go ya Simon's Town. O be a na le maikutlo a gore go ya toropong ya batho go tla mo thuša go hwetša lee la gagwe. Mo tseleng, o ile a swanelwa ke go efoga go thulwa ke dikoloi, dipese, dithekisi le batho bao ba emaemago bao ka mehla ba bonalago ba itlhaganetše. Le ge go le bjalo, go be go na le batho ba botho bao ba bego ba mo dumediša, ba nagana gore ke monna yo mokopana, yo a fapanego le ba bangwe ka lebaka la kefa ya gagwe le mafofa a tuxedo.

Batho bao ba re, "Dumela, Mhlekazi," seo se bolelago, "Hello, Sir." Ba be ba sa tsebe gore leina la gagwe ke Mhlekazi, eupša ba be ba lemoga gore o be a swanelwa ke tlhompho.



A colorful illustration of a city street scene. On the left, a penguin with a black and white body and a small yellow crown-like ornament on its head is sitting on the pavement. It is looking towards a man on the right. The man is wearing a bright green puffer jacket, black pants, and green rubber boots. He is smiling and looking at the penguin. In the background, there are several multi-story buildings with balconies. One building has a large 'SALE' sign in its window. The sky is blue with a few white clouds. The overall style is cartoonish and vibrant.

Ge Mhlekazi a sepela mo mmileng, a thulana le monna yo a bego a bitšwa Mawethu, gomme kefa ya batho ya gagwe ya wa hlogong ya gagwe, ya utolla sefahlego sa gagwe sa phenkwini.

“Ke wena phenkwini?” monna a goeletša.
“Phenkwini! Phenkwini yeo ke bego ke e nyaka! Mathomong, Mhlekazi o be a tšhogile gore kefa ya gagwe e wele, eupša a kwa a na le kgokagano ye maatla le monna yo.
A kwa mo mading gore yo ke monna yo a ka mo thušago go hwetša lee la gagwe. Ka kgonthe o be a nepile ka ge Mawethu e le yena morei wa dihlapi yo a tšerego lee la gagwe a ya le lona gae go le hlokomela.

Mawethu a mema Mhlekazi gore a tle legang la gagwe. Ge ba le ka gare, ba ya ka phapošing ya go ikgetha ya Mawethu moo a bego a dira didirišwa tša gagwe tša go rea dihlapa, moo ke mo go bego go na le lee la Mhlekazi, le bolokegile ebile le phetše gabotse. Mawethu o be a le hlokometše. Mhlekazi a gokara Mawethu gomme a lla megokgo ya lethabo.



Ka morago Mawethu a tšea senepe mo tsekeng a se fa Mhlekazi. E be e le senepe sa Mawethu, mosadi wa gagwe le bana ba babedi. "Ke go bontšha se," Mawethu a realo, "gore o bone gore le nna ke tate. Ka fao ke tseba gore lee le le bohlokwa bjang go wena, Morena."



Mhlekazi a leboga Mawethu go tšwa boteng bja pelo ya gagwe, eupša o be a swanetše go kitimela morago toropong ya diphenkwini pele bommagodiphenkwini ba boa. Mawethu a kwešiša gomme a ithaopa go iša Mhlekazi Boulders Beach ka sefatanaga. Se be se phakiša go feta go sepela ka maoto. Ba otletše go tšwa ka Simon's Town ba labile mmileng wa lephefo, ba tšwa tseleng gomme ka mafelelong ba fihla Boulders Beach, ba makatša botate ba bangwe.



Mhlekazi a tsebiša Mawethu, morei wa dihlapa yo botho, gomme botate ba goa ka ditheto. Gqwirha, yola wa mona, a makatšwa ke bogale bja Mhlekazi le gore o dirile segwera le motho. Ge Mhlekazi a utolla lee, botate ba thibologa ka megobo ya dikopelo. "Mhlekazi! Mhlekazi!" Gqwirha e be e le yena a opelago kudu.



Mhlelezi a botša Nenekazi ka moo lee le ilego la fokwa ke phefšana ka gona, la theoga thabaneng, le gore le ile la utswa ke kelp gull ya go seleka. A mmotša gore o ile a tšea sephetho sa go ya go le nyaka toropong ya batho le ka moo a kopaneng le Mawethu, yo a bego a hlokometše lee. A mmotša gape ka moo diphenkwini tše dingwe di ilego tša mo furaletla ka morago ga gore a lahlegelwe ke lee. Le ka moo a hweditšego tlhompho ya gagwe gape ka kgato ye bogale ye a e tšerego ya go ya go le nyaka le go boa le lona.

Nenekazi a myemyela a re, “Ke ikgantšha ka moo o bilego bogale ka gona.” A leboga gape Mawethu, a re o be a tseba ka mehla gore batho ba na le botho le mohola.

Ge ba le gare ba bolela, lee la Mhlekazi la phaphaša, gomme ngwana wa phenkwini a belegwa. Ba mo rea leina la Mawethu ka lebaka la ka moo Mawethu a ba thušitšego ka gona.



Ka pelapela, mae ka moka a phaphaša! Diphenkwini ka moka tša thaba gomme le tšona tša rea bana ba tšona Mawethu. Se se be se sa letelwa, eupša go be go kgahliša.



MAFELELO

